

Pour M^e Claude du Four Prieur de S. Leu d'Esserens deffen-
deur:

Contre M^{re}. Philippes de Pelué deuolutaire demandeur.

LE demandeur est pourueu de ce benefice *per obitum* du Cardinal de Pelué son oncle treize ans apres son decez par la pretenduë symonie d'un nommé Marchât & de M^e. Gaspard le Frâc son resignataire.


Quand à la clause par mort, elle est absurde & impertinente, quoy que ce soit inutile, puis que le benefice a esté conserué treize ans auparauant audit Marchant, & *successiue* audit le Franc qui en a tousiours paisiblement iouy *citra omnem contro- uersiam iuris & facti*, tellement que ceste clause est ambitieuse, illi- cite & contenuë en la prohibition de la regle de Chancellerie de Rome *de non tollendo alteri ius quasitum*.

Que si le demâdeur est mal pourueu par ceste clause il n'est pas mieux fondé en celle du pretendu deuolut, par la nulle & fausse expression qu'il contient, n'ayant pas seulement obmis ce qui est *vray sed quod deterius est falsum expressit*, disant que Marchant estoit pourueu par la resignation d'un nommé Matthieu, ce qui n'est pas, au contraire il apert par sa prouision produite au procez par ledit le Franc sous la lettre E, qu'il a esté pourueu *per obitum* du Cardinal de Pelué.

Quant à ce que le demandeur par sa bulle dit que lesdits Mar- chant & le Franc estoient pourueuz *per symoniacum ingressum*, il c'est bien tard aduélé d'imaginer ceste symonie, sçauoir treize ans a- prez, mais il est demeuré si confus qu'il n'a peu explicquer ceste pretendue paction symoniacle, seulement il a dit que l'on bailla quinze cens escuz à vn Secretaire d'un Seigneur, lequel Secretai- re il nomme Mareschal, sans auoir exprimé le nom propre de ce Mareschal ny celuy de ce Seigneur, & encores n'appose il aucu- ne circonstance ny designation pour faire recognoistre ce Ma- reschal qui est vn nom forgé depuis la cause plaidée en l'audien- ce du Conseil, *quod illi in buccam venit*, y ayant plusieurs de ce nom qui est commun à infinies personnes.

Ce fait imaginaire sans aucune circonstance precise du temps,

A



du lieu, ny des personnes, est contre l'ordonnance qui enjoinct de poser & articuller des faicts certains & coarctez, non vagues & confuz, d'autant qu'ils ne peuuent estre contestez, & on ny en peut opposer de contraires.

Il faudroit que le demandeur eust nommé ce Seigneur qu'il dit qu'en sa faueur ce benefice auoit esté conferé, qu'il en composa à quinze cens escuz avec vn tel, que l'argent fut conté en la maison d'un tel, en telles especes que le Franc y estoit present ou personnes pour luy brief, il faudroit en coter comme l'on dit les tenants & aboutissans.

Mais le deffendeur dit que treize ans aprez que luy & ses predecesseurs ont jouy de ce benefice, la preuue par témoins n'est receuable, d'autant que l'on ne la reçoit en cas de symonie ou confidence, sinon qu'il y eut au procez quelque preuue litteralle premiere & antecedente & non autrement, car ce seroit mettre en proye tous les benefices, d'autant que si indifferemment sur vne imagination de faicts vagues & confuz l'on reçoit les deuolutaires à prouuer par tesmoins que ne prouueront-il pas en vn siecle corrompu de desloyauté de mensonges, & de toutes especes d'impostures.

Car comme l'on disoit qu'en Grece, *Et precipue inter penos nulli mendatio suum testimonium de fuit*, aussi maintenant les depositions sont à l'enchere, la foy est venalle, & la langue des tesmoins mercenaire, pour à quoy obuier & *propter fluxam fidem testium*, l'ordonnance de Moulins a exclus toute preuue testimoniale, aux choses qui excèdent cent liures iugeant, combien il estoit perilleux de receuoir la preuue vocalle, que sy ceste consideration a lieu en choses qui excèdent cent liures: combien plus exactement doit elle auoir lieu au fait des benefices, & principalement en cestuy-cy pour lequel rair à son iuste pcesseur l'on n'espargnera, ny argent, ny pratique & subornation de tesmoins, estimant le demandeur le hazard n'estre pas grand de despendre deux ou trois mille liures, pour cuyder embler vn benefice qui est (comme il dit) à sa porte, & en sa bien-sceance, & de valeur de quatre mille liures.

Le deffendeur ayant aneauty le pretendu deuolut dudit demandeur, dit que quant il y auroit eu quelque vice ou deffaut au tiltre ou de Marchant ou du Franc, ce qui n'est point, il seroit couuert & purgé par la pcession quatre fois triennale, apres la-

Il ny a que deux choses requises pour se servir du susdit decret, la premiere que le tiltre soit colloré c'est à dire apparent, bien qu'en iceluy y eust quelque chose à redire, l'autre que le titulaire aye iouy *per triennium pacifice nulla lite mota*, comme Rebuffe glossateur de ce decret le tient, *numero 85.*

Atqui iamais le Franc n'a esté troublé, de fait audit Prieuré il ny a iamais eu de procez contre luy formé, conséquemment ledit deffendeur se trouuera bien fondé saydant des lettres de paisible possession produicte sous la lettre I, en la production dudit le Franc.

Le deffendeur adjouſte qu'il eſt pourueu non ſeulement par la reſignation du Franc *ex cauſa permutationis*, ſed etiam *cumulative aut alias quouis modo*, qui eſt vne clauiſe extenſiue, & qui comprend *omnes vacationis modos*.

Et ne seruira de dire par le demandeur qu'il est pourueu aupara-
uant la resignation du Franc faicte & admise en faueur du de-
fendeur, il est veritable, Mais ledit deffendeur est le premier en
possession qui n'est pas vn petit aduantage au faict des benefices
a deo vt melior sit conditio possidentis en infinis cas qu'il n'est besoing
de représenter, ains seulement vne decision formelle de du Mou-
lin. *In reg. de public. num.* 202. & 203. qui dit que l'on n'est receua-
ble à proposer l'incapacité pretendue d'un resignant possesseur
de longues années, apres que le resignataire est en possession,
imò, dit-il, iam beneficia impetrata erant per in capacitatem deinde possessor
ante citationem & litem motam resignauit, vt iudicatum est super prioratu
Issoriensi in Aruernia pro resignatario licet qui per deuolutionem impetra-
uerat per bullas ostenderet esse sub data priori ante resignationem & titulum
resignatarij, tamen quia resignatio erat expedita ante citationem & litem
motam plenum possessorium resignatario adiudicatum fuit.

Le demandeur & le deffendeur sont en ces termes, car il se dit pourueu par deuolut auparauant la resignation admise, cela est vray, mais le deffendeur a le premier pris possession, ce qui fut le fondement de l'arrest allegué par du Moulin, voire que le deferideur ce trouuera en plus forts termes que l'espece du Prieuré de Issoire, d'autant que par la susdicte decision du Moulin dit que le deuolutaire *docebat de incapacitate & incompatibilitate per instrumenta*.

[illegible]

ta, par escrit ce que ne fait le demandeur, dont il fut toutesfois deboutté à cause de ladicte prise de possession, ce qui ce rencontre en la personne du deffendeur, lequel est demeuré en la sienne depuis le mois de Mars 1606. iusques en Aupil 1607: qu'il est interuenu au procès d'entre le demandeur & le Franc, n'ayant osé le dit demandeur le faire assigner, bien qu'il ne peut ignorer sa possession réelle & actuelle precedente la sienne.

Le demandeur ainsi a estimé que son deuolut ne peut auoir aucun effect contre le deffendeur, ne l'ayant osé faire assigner, bien qu'il sceust qu'il estoit le vray & actuel possesseur dudit benefice qui est à sa porte, *propter quam viciniam optat adijcere suis latifundijs*, & par consequent ceste priorité de possession estât paisible rend le deffendeur assure en son tiltre, joint celuy de son resignant, & sa possession pacifique, & non interrompue pendant treize ans & plus.

Que sil falloit practiquer le vray vsage des deuoluts selon leur institution, le demandeur y seroit sujet, ne s'estant fait promouvoir à l'ordre de prestrie, comme les Canons & les ordonnances l'enjoignent par l'article 9. de l'ordonnance de l'an 1579. qui porte ces mots. *Les Abbez & Prieurs conuentuels ayant obtenu l'aage requis par les Conciles seront tenus se promouvoir à l'ordre de Prestrie dedans vn an apres leur prouision, & ou dedans deux mois ensuyuant ils ne se seroient fait promouvoir audit ordre, seront les benefices tenus pareux declarer vacquants & impetrables.*

Le demandeur a commis contre ladicte ordonnance, car il est pourueu de l'Abbaye de S. Paul, & du Prieuré cōuetuel de Bray sur Seine, qu'il a exprimé par sa Bulle, il en est paisible; & il a esté maintenu audit Prieuré par arrest du Conseil en l'an 1596: & toutesfois il se dit simplement clerc tonsuré, dont il ne rapporte que vne attestation d'un Cardinal de Rome, ce qui le rend sujet à deuolu par la susdicte ordonnance.

Au contraire le deffendeur est prestre dessert canoniquement ce benefice auquel depuis qu'il est entré en la possession il a employé plus de cinq mille liures pour reparer les ruynes aduenues du temps de l'oncle du demãdeur, desquelles il ne pourroit auoir de recompense contre le Franc, si la permutation estoit resoluë, & par consequent de droit de fait, par le laps de temps, & par toutes autres considerations, il est autant bien fondé que le demandeur n'a autre droit que la bien sceance & voysinage.

